

# Interbalkanski forum udruženja banaka

## Finansijski sektor BiH je stabilan i likvidan

Udruženje banaka BiH domaćin je ovogodišnjeg 10. interbalkanskog foruma u Sarajevu kojem prisustvuju predstavnici udruženja banaka, članica Interbalkanskog foruma sa Kipra, iz Grčke, Turske, Crne Gore, Srbije i BiH.

Učesnici su razgovarali o budućnosti finansijske supervizije u Evropskoj uniji i najnovijoj regulativi, te suzbijanju pranja novca.

Izvršni sekretar Udruženja banaka BiH Mijo Mišić izjavio je da je stanje u bankarskom sektoru u našoj zemlji stabilno i da su banke likvidne.

Podaci, prema njegovim riječima, govore da je u ovoj godini stanje plasmana depozita na istom stanju kao što je to bilo na kraju 2008., što je posljedica utjecaja krize.

Savjetnica u Evropskom bankarskom savezu Viktorija Proskurovska podsjetila je da je Udruženje banaka



**Sarajevo: Aktivnija saradnja banaka u regiji**

(Foto: S. Sajatović)

BiH nedavno postalo pridruženi član tog saveza. Ovakve susrete ocijenila je korisnim za razmjenu znanja i iskustava, naglasivši da će buduća saradnja ovog saveza i udruženja banaka u regiji biti aktivna.

Udruženje banaka iz Turske, kako je kazala njihova predstavnica Melike Mumcu, ima blisku sara-

dnju i dobre veze sa našom zemljom, pa su bankari iz BiH bili u prilici posjetiti Tursku i učestvovati u edukacijama o različitim bankarskim temama.

Osim toga, kako je dodala, u BiH posluje Turkish Ziraat banka putem koje je također uspostavljena bliska saradnja sa bh. bankarima.